

— 316 —

beseztin, was si denne in dem seße koste bedörfent, zuo antworten, bliden, oder ze grabende, oder die vestin ze brechende, die kost sülent sie vor abe nemmen von dem gemeinen geleiten gelte, daz man ushebet an dem zolle ane widerrede, vnd sel man daz selbe gelt an legen, vor der vesti, mit rat der herren vnd der stette, oder irre antlüte, die vor dem seße sint, vnd sol man ouch dieselben werch gehalten tuon mit irem rate, bis daz der lantfride ir aber me bedarf. Die von Straßburg hant ouch usgenommen iren herren, den Bischof von Straßburg, daz si wider den nit beholfen sülent sin von des lantfriden wegen, si tügen es denne gerne. Si hant ouch usgenommen die stette von Basel vnd von Friburg, in alle die wise als ir verbuntnüffe sient, die si mit enander hant. Geschehe ouch, daz si gemant wurdent von der vorgeannten stette einer, oder beder, oder von dem obern lantfriden, ob sie dar in kemen, vf einen uszog, vnd darnach gemant wurdent ouch vmbe einen uszog von dis lantfriden wegen, so mügent si die ersten manung vollesüren. Doch sülent ir banner mit so getanen lüten senden, als si menent, daz ez irn eren zuo disem lantfride wol anste, wenne si aber wider hein koment, so sülent si zuo disem lantfriden beholfen sin, mit irm uszog, als si darzuo gebunden sint. Wer es aber, daz si e gemant wurdent umb einen uszog von dis lantfriden wegen, denne von den vorgeannten obersten stetten irn eitgnossen sie gemant wurdent, so sülent si zuo disem lantfriden beholfen sin. Wer ouch, daz den von Straßburg üt geschehi, vnd daz si sich des in irem rate mit dem merteil erkennen vf ir eide, daz in vnrecht geschehen were, vnd daz der lantfride an in gebrochen were, so sol man in gelouben vnd in beholfen sin von des lantfriden wegen. Es sol ouch nieman, der in dis lantfriden ziln geseßen ist, keinen sinen krieg enweg oder usser der hant geben ieman, der uswendig des lantfriden ist, davon die, die in dem lantfriden sint, geschadiget mögent werden. Duch hant die von Spire iren Bischof von Spire usgenommen, daz si wider den nit helfen sülent von dis lantfriden wegen. Wir wellen ouch, vnd gebieten bi vnserm vnd